



**LUSIM AUSTRALIA
SUPAENUEISEN PE**

WANEM SAMTING BAI KAMAP LONG SUPER SAPOS MEMBA LUSIM KANTRI NA GO OLGETA?

Sapos yu tingting long go olgeta na lusim Australia, yu mas kisim save gut long DASP. DASP em mekim rot long ol manmeri olsem temporary resident o husat stap liklik taim tasol bai ken kisim superannuation savings bilong ol taim ol lusim Australia. Olsem wanem dispela DASP em wok?

1. Wanem samting long luksave na mekim

DASP em stap redi long yu sapos yu no Australian o New Zealand citizen o Australian permanent resident na yu bai lusim Australia na go olgeta. Dispela em karamapim ol manmeri wantaim temporary visas bilong stap liklik taim tasol olsem visa bilong ol wok manmeri o visa bilong sumatim husat ol visa bilong ol em expire pinis or bin cancel na ol stap nating. Em bikpela samting long sekim gut al eligibility criteria long luksave na mekim stret dispela bipo yu ken go het.

2. Wanem kain samting long mekim insait long application

Nambawan samting long kisim superannuation funds long



Australian
**FOOD
SUPER**

 Your Industry Fund

DASP em long tokaut o apply long Australian Taxation Office (ATO) husat ol lukautim DASP scheme. Yu mas mekim application online long ATO website o mekim insait long pepa form. Sapos yu mekim gut na olgeta toksave o information yu givim pinis, em bai hariapim application na bai nogat westim taim. ATO website em givim toksave long wanem samting bai yu mekim long form. Yu mas lukluk gut long form na givim olgeta toksave bilong superannuation fund. (moa stap yet bai yu lukluk long em). Long Australian Food Super, em gat ABN 28 342 064 803 na yu ken painim memba namba bilong yu long superannuation statement.

3. Wanem kain pepa bilong sapotim application

Wantaim dispela application, olgeta pepa long sapotim olsem proof of identity bilong luksave long yu, wanem samting em tokaut long visa bilong yu na wanem samting stap long luksave bai yu lusim Australia. Em ol dispela samting olsem kopi long paspot, ol pepa bilong visa, tiket bilong kisim balus o wanem kain toksave bai yu go nau.

4. Wanem kain tingting kamap insait long takis

Em bikpela samting long luksave long wanem ol kainkain samting bilong takis insait long DASP. Wanem Superannuation bai peim long ol temporary residents o manmeri stap liklik taim tasol em bai gat withholding takis bai ol holim bek taim superannuation fund peim. Wanem kain withholding takis bai ol peim em bihainim yet hamas yu gat olsem superannuation benefit na wanem residency status o hau yu sindaun o stap hia.

5. Wanem kain taim long mekim application

Taim yu pinisim application wantaim ol pepa bilong sapatim, ATO bai lukluk long em na skelim bihainim hamas bai DASP peim yu. Wanem taim ol kisim long skelim application bilong yu bai behainim yet wanem toksave yu mekim gut o nogat long pinisim application na tu wanem arapela wok ol ATO i mekim. Luksave mas stap na yu mas gat bel isi long wetim application bilong ol yet skelim gut na bai ken kisim sampela taim long dispela.

6. Pepa soim mani peim pinis

Taim ol tok orait na stretim pinis DASP application, em redi long peim na superannuation fund bai mekim olsem lump sum. Bai ol peim stret i go long bank account yu bin toksave long em olsem electronic transfer. Yu mas sekim gut bank account bilong yu long kisim stret taim ol peim yu.

7. Wanem sampela moa samting long sapatim application

Sapos i gat sampela hevi kimap o i gat sampela askim long wanem samting DASP em mekim, i gat sampela rot em stap long helpim. Yu ken toksave long ATO long helpim o kisim sampela tok klia o guidance i kam long immigration advisors o financial professionals o save lain yet long olgeta superannuation samting. Na moa yet, ol Australian Food Super client services o wok peles ol stap na ken lukluk long wanem samting yu no klia na ol ken tokaut long wanem ol save mekim.

Antap long olgeta, Departing Australia Superannuation Payment em wanpela bikpela samting em stap long lukluk long taim yu lusim Australia na go olgeta. Long save gut long eligibility criteria o wanem samting bilong mekim gut application na luksave long wanem samting em stap insait long takis, yu ken skelim superannuation savings o mani bilong yu em stap pinis, gutpela rot em stap pinis bai ol mekim na stretim olgeta samting bipo yu lusim Australia na go olgeta.

Long kisim moa toksave long DASP, yu ken toktok long Client Services Manager o husat go pas na lukautim dispela wok o yu ken lukluk insait long ATO <https://www.ato.gov.au/individuals-and-families/super-for-individuals-and-families/super/temporary-residents-and-superannuation/departing-australia-superannuation-payment-dasp>.



Sapos yu laikim wanpela pepa kopi long dispela Fact Sheet yu ken ring long **Memba Hotlain** telipon **1800 808 614**.



Memba Hotlain
1800 808 614



ausfoodsuper.com.au



service@ausfoodsuper.com.au



Locked Bag 5390
Parramatta NSW 2124

Dispela pepa ol raitim ikam yet long Australian Meat Industry Superannuation Pty Ltd ABN 25 002 981 919, AFSL No. 238829, em Trasti bilong Australian Meat Industry Superannuation Trust (mani bisnis), ABN 28 342 064 803 (Australian Food Super). Olgeta toksave insait long pepa ol raitim em bilong mekim klia tasol ol samting. Em ino givim narapela kain tingting olsem ol wanwan samting bai yu wokim o samting yu laik lukluk long em long laip bilong yu na hamas mani yu gat long yusim. Yu mas toktok long ol save manmeri long hau yu bai kisim or yusim mani na skelim gut inap long laip na wokabout bilong yu.

Olgeta toksave long wok bilong mani bisnis em bai stap insait long Trust Deed long ausfoodsuper.com.au. Husat ol save lukatim mani bisnis na Trust Deed olsem ol Trasti ken mekim wanem samting ol luksave long save na tingting bilong ol aninit long Access the Australian Food Super PDS na TMD long ausfoodsuper.com.au